

Bosna i Hercegovina
Ministarstvo odbrane/obrane

Broj: 11-50-4858-1/11
Sarajevo, 29.12. 2011. godine.



Босна и Херцеговина
Министарство одбране
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
SARAJEVO

PRIMLJENO: 04.01.2012			
Organizaciona jedinica	Klasifikaciona oznaka	Redni broj	Broj priloge
01-50-1-15-14/11			

PARLAMENTARNA SKUPŠTINA BOSNE I HERCEGOVINE
Zastupnički dom/ Predstavnički dom
SARAJEVO

PREDMET: *Odgovori na poslanička pitanja, d o s t a v l j a .-*

VEZA: Vaš dopis, broj: 01/a-50-1-15-14/11 od 29.11.2011. godine

Poštovani,

U prilogu akta dostavljamo Vam odgovore na poslanička pitanja poslanice Dušanke Majkić, postavljena na 14. sjednici Predstavničkog doma Parlamentarne skupštine Bosne i Hercegovine, održanoj 24. novembra 2011. godine.

Prilog: odgovori na poslanička pitanja

Dostavljeno:
- naslovu,
- a/a.

MINISTAR

dr. Selmo Cikotić





Poslanica Dušanka Majkić je na 14. sjednici Predstavničkog doma Parlamentarne skupštine Bosne i Hercegovine, održanoj 24. novembra 2011. godine, postavila pitanja sljedeće sadržine:

- 1. „Da li Ministarstvo odbrane ima jasne procedure uništavanja municije i MES van kapaciteta Oružanih snaga BiH? Ako ima – zašto ih ne primjenjuje?*
- 2. Šta se dogodilo sa delaborisanim elementima dobijenim prilikom uništavanja 506 tona municije (pilot projekat)?*
- 3. Kada je Ministarstvo odbrane obaviješteno o nestanku 11.530 kg TNT-a u „Pretisu“(navesti datum)?*
- 4. Zašto Ministarstvo odbrane ne rješava pitanje prodaje preko 1.000 tona delaborisanih elemenata municije i MES na lokaciji radionice TROM u Doboju, koji su uskladišteni i razdvojeni po entitetskoj pripadnosti?*
- 5. Zašto Ministarstvo odbrane ne rješava pitanje prodaje eksploziva nastalog dosadašnjim delaboracijama (uskladišten i razdvojen po entitetskoj pripadnosti)?*
- 6. Da li je Ministarstvo odbrane upoznato sa mišljenjem Ministarstva pravde broj: 08-02-4-12784/10 od 26.11.2010. godine u vezi sa pravom na prodaju delaborisanih elemenata (šta je u suprotnosti sa Zakonom o odbrani i Zakonom o ministarstvima i drugim organima uprave)?*
- 7. Da li je Ministarstvo odbrane sačinilo cjelovitu analizu propusta u procesu provođenja pilot projekta uništavanja viškova naoružanja i MES-a, kao i plan mjera za otklanjanje nedostataka uništavanja?“*

Na postavljena poslanička pitanja, Ministarstvo odbrane BiH u smislu člana 155. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 33/06, 41/06, 81/06, 91/06, 91/07 i 87/09), dostavlja sljedeći :

ODGOVOR

1. Ministarstvo odbrane BiH ima propisane procedure uništavanja municije i MES-a van kapaciteta Oružanih snaga BiH, koje su definisane kroz Privremeno uputstvo za uništavanje municije i MES-a na osnovu Sporazuma Projekta kontrole i redukcije malog oružja i municije za period 2005-2011. godina.

Ministarstvo odbrane BiH je primjenjivalo elemente iz procedura, ali je zbog situacije u vezi sa nedostatkom 11.530 kg TNT izvršilo određene analize, te je u postupku predkrivične odgovornosti dostavilo Agenciji za istrage i zaštitu BiH svu potrebnu dokumentaciju sa opredjeljenjem da se rasvijetle svi aspekti po navedenom slučaju.

U postupku provođenja procedura, Ministarstvo odbrane BiH je organizovalo tematsku Radionicu na Jahorini u periodu od 13.12. do 16.12.2011. godine, na kojoj su razmatrani svi aspekti rješavanja viškova naoružanja i MES-a (prodaja, uništenje, donacija).

U skladu sa navedenim, Ministarstvo odbrane BiH je u pripremi da u narednom periodu donese novo Uputstvo o uništavanju, a što će biti predmet rada Komisije za vođenje postupka rješavanja pokretne vojne imovine, na sjednici planiranoj u prvoj polovini mjeseca januara 2012. godine.

2. Delaborisani elementi koji su dobijeni prilikom uništavanja 506 tona municije (pilot projekat) ustupljeni su preduzeću koje je radilo uništavanje -"Pretis"Vogošća, a sukladno SAC BiH – Projekta kontrole i redukcije malog oružja i municije za period 2005-2011. godina, izuzimajući nedelaborisana sredstva i eksploziv koji su vraćeni Ministarstvu odbrane BiH (11.530 kg eksploziva nije vraćeno u Ministarstvo odbrane BiH), i isti je po stanovištu Ministarstva odbrane BiH neovlašteno prodat od strane preduzeća "Pretis"Vogošća, te je zbog navedenog u toku istraga Agencije za istrage i zaštitu BiH, a po nalogu Tužiteljstva BiH.

3. Ministarstvo odbrane BiH je kroz redovne aktivnosti Komisije za verifikaciju i uništenja dana 14.04.2011. godine upoznato od strane odgovornih lica iz "Pretisa" da je izvršena prodaja eksploziva.

Zvanična informacija od strane "Pretisa" nije nikad upućena, izuzev što je prezentirana kroz otpremnice, a koje su sastavni dio izvještaja istog preduzeća, broj: HP/VZ 939/11 od 25.08.2011. godine, koje se odnosi na realizaciju pilot projekta.

4. Modaliteti prodaje viškova naoružanja i MES-a razmatrani su na već pomenutoj Radionici na Jahorini i Komisija za vođenje postupka rješavanja viškova pokretne vojne imovine će u skladu sa Sporazumom o konačnom raspolaganju svim pravima i obavezama nad pokretnom imovinom koja će i dalje služiti za potrebe odbrane, dostaviti polovinom januara 2012. godine konačni izvještaj sa prijedlozima.

Napominjemo da je period održavanja sastanka Komisije usklađen sa odsustvom pojedinih članova Komisije zbog katoličkog Božića, Nove godine i pravoslavnog Božića.

5. Odgovor na pitanje broj 5. je korespondiran sa stavovima i objašnjenjima prezentiranim u odgovoru na pitanje broj 4.

6. Ministarstvo odbrane BiH je u skladu sa normama kancelarijskog poslovanja zaprimilo Mišljenje Ministarstva pravde, broj 08-2-4-12784/10 od 26.11. 2010. godine.

7. U skladu sa Zaključcima Predsjedništva BiH i Kolegija Ministarstva odbrane BiH, Načelnik ZŠ OS BiH i Zamjenica ministra odbrane za upravljanje resursima, su bili odgovorni za pripremu izvještaja koji sublimiraju proces provođenja pilot projekta uništavanja MES-a. Kroz navedene izvještaje identificirani su određeni propusti u kojima je prepoznata personalna odgovornost određenih osoba, a zbog čega su izrečene disciplinske mjere.

Također, po zahtjevu Tužiteljstva BiH, Agencija za istrage i zaštitu BiH provodi predkrivičnu istragu i u vezi sa istim Ministarstvo odbrane BiH je dostavilo svu raspoloživu dokumentaciju uz identifikaciju odgovornih osoba za propuste koji su uzrokovali neovlaštenu prodaju 11.530 kg TNT od strane „Pretisa“.

Ministarstvo odbrane BiH će i dalje u kontinuitetu nastaviti saradnju sa Agencijom za istrage i zaštitu BiH, a u cilju zauzimanja konačnih stavova po navedenom.

U odgovoru na prvo pitanje naznačili smo da je Ministarstvo odbrane BiH organizovalo tematsku radionicu u vezi procesa rješavanja viškova naoružanja i MES-a.

Pored predstavnika Ministarstva odbrane BiH na radionici su participirali i predstavnici Predsjedništva BiH, predstavnici nadležnih entitetskih ministarstava, predstavnici međunarodnih organizacija (Štab NATO, EUFOR, UNDP, i OSCE) predstavnici Ministarstva pravde i Ministarstva vanjske trgovine i ekonomskih odnosa.

Jedno od pitanja je i pitanje uništavanja naoružanja i MES-a i utvrđeni su modaliteti i pravci za komisiju koja će predložiti dalje mjere.

Dostavljeno:

- naslovu,
- a/a.

MINISTAR

dr. Selmo Cikotić